



Broj: 16-12-16-2-6068-16 /16
I. Sarajevo, 07. 12. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 26. i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini broj 16-12-16-2-6068/16 od 06.12.2016. godine, u postupku javne nabavke policijske opreme za potrebe Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku Državne agencije za istrage i zaštitu

Član 1.

U ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku Državne agencije za istrage i zaštitu za koji je obavještenje o javnoj nabavci broj 1161-2-1-793-3-56/16 od 07.10.2016. godine, objavljeno na Portalu javnih nabavki i u „Službenom glasniku“ Bosne i Hercegovine broj 77/16, ugovor o kupoprodaji dodjeljuje se ponuđaču „KM TRADE“ d.o.o. Visoko i to:

a) za Lot 1 - Nabavka 20 komada pištolja kalibra 9x19 mm, ponuda broj 16-12-16-2-6068-13/16 od 30.11.2016. godine, za ponudenu cijenu od 18.800,00 KM bez uračunatog PDV-a;

b) za Lot 2 - Nabavka dva komada balističkih štitova 4A zaštite, ponuda broj 16-12-16-2-6068-13/16 od 30.11.2016. godine, za ponudenu cijenu od 24.100,00 KM bez uračunatog PDV-a.

Član 2.

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaz o ispunjavanju uslova iz člana 45. Zakona o javnim nabavkama i člana 9. Pravilnika o postupku dodjele ugovora u oblasti odbrane i bezbjednosti (original ili ovjerena kopija).

Član 4.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internet stranici Državne agencije za istrage i zaštitu.

Član 5.

Za realizaciju ove odluke zadužuje se Sektor za materijalno-finansijske poslove Državne agencije za istrage i zaštitu.

Član 6.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2-6068-1/16 od 06.10.2016. godine, a na osnovu saglasnosti ministra Ministarstva sigurnosti Bosne i Hercegovine broj 04-16-4-6685-2/16 od 30.09.2016. godine, pokrenut je postupak javne nabavke policijske opreme za potrebe Jedinice za specijalnu podršku Agencije, procijenjene vrijednosti 44.440,00 KM bez uračunatog PDV-a, za šta su novčana sredstva obezbjeđena u okviru budžetskih sredstava za 2016. godinu.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija i provjera kvalifikacije kandidata;
- Faza II - dostavljanje ponuda kvalifikovanih kandidata.

U Fazi I - pretkvalifikacija i provjera kvalifikacije kandidata Zahtjev za učešće u postupku javne nabavke policijske opreme dostavili su sljedeći kandidati:

- a) "KOTEKS" d.o.o. Tešanj;
- c) "SHOT" d.o.o. Zenica;
- d) "KM TRADE" d.o.o. Visoko.

Nakon provedene Faze I - pretkvalifikacija i provjera kvalifikacije Agencija je na prijedlog Komisije donijela Odluku o rezultatima pretkvalifikacije u postupku javne nabavke policijske opreme za potrebe Jedinice za specijalnu podršku Agencije broj 16-12-16-2-6068-7/16 od 31.10.2016. godine, prema kojoj su kvalifikovani kandidati "KOTEKS" d.o.o. Tešanj, "SHOT" d.o.o. Zenica i "KM TRADE" d.o.o. Visoko.

Agencija je kvalifikovanim ponuđačima dostavila Poziv za učešće u ograničenom postupku javne nabavke policijske opreme, prema kome je postupak javne nabavke podijeljen na lotove i to:

- a) Lot 1 - Nabavka 20 komada pištolja kalibra 9x19 mm, procijenjene vrijednosti 18.800,00 KM bez uračunatog PDV-a;
- b) Lot 2 - Nabavka dva komada balističkih štitova 4A zaštite, procijenjene vrijednosti 25.640,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 30.11.2016. godine do 12,00 sati, to je Komisija dana 30.11.2016. godine u 13,00 sati izvršila otvaranje ponuda, gdje je utvrđeno da su blagovremeno dostavljene tri ponude, kako slijedi:

Redni broj	Naziv ponuđača	Lot	Vrijednost ponude (bez PDV-a)
1.	"KM TRADE" d.o.o. Visoko	Lot 1 Lot 2	18.800,00 KM 24.100,00 KM
2.	"KOTEKS" d.o.o. Tešanj	Lot 2	20.000,00 KM
3.	"SHOT" d.o.o. Zenica	Lot 2	25.600,00 KM

Komisija je aktom broj 16-12-16-2-6068/16 od 30.11.2016. godine od Jedinice za specijalnu podršku Agencije, tražila stručno mišljenje po pitanju zadovoljavanja postavljenih tehničkih uslova iz Tenderske dokumentacije. Prema Mišljenju Jedinice za specijalnu podršku od 02.12.2016. godine, dostavljena ponuda ponuđača "KM TRADE" d.o.o. Visoko za Lot 1 zadovoljava tehničke uslove iz Tenderske dokumentacije, odnosno dostavljene tehničke karakteristike pištolja kalibra 9x19 mm u potpunosti odgovaraju opisu traženog pištolja, a

dostavljena ponuda za Lot 2 istog ponuđača, također odgovara traženim tehničkim i balističkim karakteristikama, jer je u Certifikatu o kontroli oružja, municije i sigurnosne tehnike navedeno da je balistička kontrola proboja štita municijom vršena u kalibru 7,62x51 mm, te da nije dolazilo da proboja balističkog štita, a potrebe za balističkom zaštitom policijskih službenika Jedinice za specijalnu podršku jesu zaštita od municije kalibra 7,62x39 mm, odnosno najčešće korištenom municijom na prostoru Bosne i Hercegovine. Dalje je u Mišljenju navedeno da obzirom da je balističko testiranje pokazalo otpornost štita na municiju sa istim kalibrom i jačim barutnim punjenjem od planirane zaštite kalibra municije sa manjim barutnim punjenjem, Jedinica za specijalnu podršku smatra da ponuđeni štiti zadovoljava tražene balističke karakteristike i operativne potrebe Jedinice za specijalnu podršku. Također, prema navedenom mišljenju ponuda ponuđača "SHOT" d.o.o. Zenica za Lot 2 ne zadovoljava tehničke uslove iz Tenderske dokumentacije, odnosno ne odgovara traženim tehničkim karakteristikama balističkog štita po pitanju težine balističkog štita, zatim ravnog je umjesto traženog zaobljenog dizajna za lakše kretanje u skućenom prostoru, te ne posjeduje sistem nošenja koji se okretanjem može brzo i efikasno prilagoditi za korištenje ljevorukim odnosno desnorukim policijskim službenicima. U istom Mišljenju je navedeno i da ponuda ponuđača "KOTEKS" d.o.o. Tešanj je za Lot 2 ne odgovara traženim tehničkim i balističkim karakteristikama, odnosno da štiti i vizir nisu traženih dimenzija, balistička zaštita nije odgovarajućih karakteristika i da je testiranje vršeno pištoljskom municijom, te da nije predviđen traženi natpis POLICIJA/SIPA/ПОЛИЦИЈА на предњем дијелу балистичког штита.

Cijeneci naprijed navedeno, uz uvažavanje stručnog Mišljenja Jedinice za specijalnu podršku Agencije, Komisija je ocijenila da je ponuđač "KM TRADE" d.o.o. Tešanj dostavio prihvatljivu ponudu za Lot 1 i Lot 2, koja ne uživa preferencijalni tretman domaćeg, a koja ne premašuje ukupno procijenjenu vrijednost nabavke za navedene lotove, dok ponude ponuđača "KOTEKS" d.o.o. Tešanj i "SHOT" d.o.o. Zenica ne zadovoljavaju tehničke karakteristike tražene Tenderskom dokumentacijom.

Shodno navedenom, prihvaćen je prijedlog Komisije i odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x,
- Sektoru za mat.-fin. poslove,
- a/a.

